

金匱要略合釋卷一

王新

	丑 21
	43
	共 8 册



金匱要略方論
今釋八卷



南京中醫藥大學圖書館版權所有

有蒙大湖
正月上陸
雷醫座
四比和廠
悉版



金匱今釋序

予早歲奔走革命。民國肇造。乃棄政治而業醫。時醫學中西之爭方烈。予以爲科學出自實驗。而人體之爲病。中西宜無二致。陰陽氣化之空論。宜不可以易科學實驗之說。然中醫按證施藥其效。又往往出西醫上。則數千年經驗所得之藥法。非惟不可忽棄。且應證之科學。求其所以然之理。使大白於中外也。今欲中醫不被淘汰。而公其藥法於天下。以策世界醫療之進步。以救中外民生之夭札。必求通貫中西之人才。爲之抓梳講證。而後可。是以耳目所及。舟車所至。常虛心物色。然二十年未能數數覩也。歲己巳。得一人焉。曰陸子淵雷。時上海有國醫學院。淵雷長教務。予讀其文於院刊。而心識其人。其年冬。因事至上海。亟往訪。三返而後獲遇。其容穆然。其詞湛然。似不稱其文之風發踔厲者。是時予所得醫學人才。堪與



淵雷抗衡者。既有三數人。而老友茶陵譚組庵方長行政院。因言於譚君。建中央國醫館。謀羅致人才。整理中醫學術。館既建。淵雷被舉爲常務理事。又被聘爲學術整理專任委員。私喜醫學之發皇。可計日而待矣。乃淞滬戰起。國醫學院因以停閉。國醫館亦中輟。其後館雖恢復。而牽掣者多。淵雷不克展其所學。豈學術之顯晦有時。未可以人力強歟。今淵雷方閉門授徒。欲以成一家之學。而傳之其人。其著述甚多。以仲景書爲方家之祖。爲之引證科學。註釋行世。謂中醫之精萃。悉在漢唐方書。而文簡理賾。人苦難讀。註仲景書。所以予人鎖鑰。使得抽讀漢唐古書也。於是先成傷寒論今釋。今又成金匱今釋。而乞序於予。予惟中醫舊籍。多玄虛艱晦。使讀者不終卷而棄去。淵雷獨能深入顯出。以至犀利之筆。達至幽隱之理。讀之者有并剪哀黎之爽。使人反復數四而不忍釋手。蓋不特思考之精。



其屬辭比事亦常人所不及也。金匱得自遺佚之後。盡簡之中。其麁雜錯亂。視傷寒論尤難董理。故宋以來。註傷寒者不下百家。註金匱者僅十餘家而已。今淵雷之書。以科學實理。證殘篇斷簡。精思冥悟。不假穿鑿。如首篇之肝病傳脾。釋爲交感神經之刺激。瘧濕喝篇之論內濕外濕。論古人所謂脾爲小腸及諸組織之吸收作用。吐衄篇論芤脈之理。婦人雜病篇論轉胞爲遊走腎。皆道人所不能道。既經道破。又使人覺其天然妙合。俯拾卽是。此豈淺嘗躁進者所能幾及哉。全書精義。大抵類是有目共知。無待覩縷。抑淵雷之學與文。固至矣。予獨病其駁難舊說之處。詆訶摧拉。絕無婉轉。使持是說者。有面赤毛聳之恨。以是難於樂從。淵雷苟能婉轉其詞。則是非之心猶在。其學說之行。當若決江河而就下也。予不文。不能贊揚淵雷之書。因抒其所見。附於諍友之列。以報之。廿四年一月。施今墨拜



序。

金匱今釋序



金匱要略今釋序

往在故都聞上海設國醫學院。主教事者爲陸子淵雷。心儀焉而未悉其詳也。方是時。余竊疑我國醫術。渺漠寡效。非融會遠西實驗之學理。推闡漢唐遺籍。馴繹海內靈祕方藥。樹堅固獨立之基。終不足自存。逾歲始草醫學平論十篇。揭其宏旨。亦未敢自炫於人。施君今墨適見而躓之。遽驅車造訪。得此印證。心稍稍慰。金陵奠都。遂返故山。戊辰之冬。遭逢寇警。短衣躡屨。與悍寇相角於林莽閒者。三越月。翼年乃走南昌。懸壺自給。偶覽淵雷傷寒論今釋。折衷歷代注家。益以東邦諸師之說。而以融會遠西學理爲歸。不圖平論之旨。淵雷竟先我而成偉業。此心此理之同。不必待諸異代也。去夏檢草寄淵雷。淵雷狂喜。題語崇飾逾分。冬初始相見於新都。其心虛甚。而容簡穆。而思沈刻。居數日別去。意猶惘惘。頃以金匱要略今



釋稿成。遠寄相朐。且屬爲之序。夫仲景遺文。自永嘉喪亂。零落特甚。厥後江左易姓。擾攘其文物。有時尚不及北朝。方脈家矜貴抱守。授受各異。唐興。遠蒐西土三藏。於醫典未遑從事。故千金外臺。不過成一家言。孫思邈猶於著千金翼方時。始獲見傷寒論也。天寶早亂。文化日衰。終唐一代。絕少發皇。趙宋校理醫籍。斯學乃漸昌明。據書錄解題。謂金匱要略爲王洙從館閣蠹簡中錄出。似前此因視傷寒論之破碎爲尤甚。未曾並行於世。歷代注家。亦強半塗附而已。今淵雷之詮釋。體例略同傷寒論。其孤詣殆尤過之。如開端見肝之病。知肝傳脾諸語。不過綴拾殘篇者之生剋贅辭耳。淵雷釋之。謂內經以愉悅舒暢爲肝德。憂愁鬱怒爲肝病。以脾主爲胃行其津液。又多包括消化器官全體。而混稱脾。是古書言肝。秦半指神經。言脾乃指胃腸吸收功用。蓋愉悅則神經舒暢。而消化王憂愁鬱怒則神



南京中醫藥大學圖書館版權所有

經受刺激而阻礙消化。是之謂肝病傳脾。從而覲縷其說。抽思騁辭。曲盡事理。固已神奇腐朽矣。至釋婦人轉胞條。取脈經及病源候論所引仲景語。參互考訂。以證金匱之文。印以遠西學理。冥想符契。無待牽合。以胞爲旁光之腴。非裹兒之胞。以肥人今瘦。筵膜空減。腎臟遊走下降。致輸尿管屈折。而解胞系了戾。則巢源所謂外水不得入。洩不得出者。得此不啻若繪想象圖。至是而知今日解剖生理病理諸學。誠與漢唐古義多不相背馳。而全書精蘊。顧猶不僅此。其善讀書也。在以古籍疏證古籍。不爲鑿空傳會。使音訓義理渙然冰釋。近數百年中。自石臞王氏讀書雜誌而外。殆無儔匹。其刺取新義也。既定統系。則理無古今中外。皆可任我去取。非影響比附。以隻義新穎自矜。方其片語未安。矯首凝神。其中若有大不得已者在。及至道然有得。落筆淋漓。幾疑古人來相告語。故其爲書。包含萬彙。



非專攻古學及西學者所能範圍。然則余於淵雷之筓言也。夫何閒然。余與淵雷治醫宗旨相同者。非得諸上下其議論之時。皆見其文而後識其人。而淵雷精力造詣。已倍蓰於余。則淵雷之羅致簡練。所以益吾知而節吾腦力者。受賜實多。而來學之所得於淵雷者。當更何如。此殆釋氏所謂法施者與。余懶廢。憚於爲學。恫政教之失修。自審無致力斯人之會。然猶時與淵雷通一紙書。研絕學於舉世不爲之日。覲然謂精神報國。不後於闕劍長槍之倫。淵雷其謂之何。因自忘其陋。書此歸之。中華民國甲戌歲大寒節之夕。修水徐舒萼瀛芳拜撰。

金匱要略今釋序



金匱要略方論今釋自序

予生清季衰末之世。上之不能立德立功。自致顯揚。次之不能隨黨國先進奔走革命。藉躋津要。下之又不能攀援依附。取富貴利達。其桀驁悍鷲之質。復不肯與草木同朽。乃遯於醫以自給。其治醫也。主以漢師訓詁。遠西科學。讀中土漢唐古書。博考深思。去其浮空執滯。爲之疏通互證。向之中西畫若鴻溝者。予則糅合爲一。故方術則中土。理法則遠西。心之所安。非敢好異也。近世俗師。多喜蘇派清淡之藥。取法葉天士吳鞠通王孟英。謂可以寡過。予則宗師仲景。又不若東邦所謂古方派之篤守成方。喜以己意出入增損。是以並世業醫者。無中西遠近。皆目予爲異端怪物。甚則造作蜚語。肆其牴排焉。而四方神交。學子後進。推崇獎飾。用相慰勉者。亦往往而有。豈其怪僻獨特之性。亦有同調歟。抑當世之毀譽。不足爲之勸沮歟。曩成傷寒論今釋。既已印行。今續成金匱今釋八卷。砌版既訖。乃爲之序曰。金匱要略三卷。舊題漢張仲景著。晉王叔和撰次。而宋臣林億等校理流傳者也。仲景自序。稱傷寒雜病論



十六卷說者謂十卷論傷寒。卽今之傷寒論。及金匱玉函經。六卷論雜病。卽今之金匱要略。然隋唐史志所載。有張仲景方十五卷。而無十六卷之本。外臺祕要引仲景方。在今之大論要略中者。皆稱仲景傷寒論。而每方注所出卷數。其百合諸方。霍亂理中湯。附子粳米湯。四逆湯。通脈四逆湯。並云出第十七卷中。肺脹小青龍加石膏湯。越婢加半夏湯。肺癰桔梗白散。並云出第十八卷中。是王氏所據。其卷數與自序隋唐志並異。且六卷之雜病論。如何刪併爲三卷。皆莫得而詳焉。至近出古本傷寒論。則作僞之迹顯然。旣已有辨之者。可弗論。今之金匱要略。乃宋翰林學士王洙。得於館閣蠹簡中。曰金匱玉函要略方三卷。上卷論傷寒。中論雜病。下載其方。併療婦人。錄而傳之。林億序。及陳振孫書錄解題。趙希弁郡齋讀書附志。皆云爾。林序又云。校成此書。仍以逐方次於證候之下。使倉卒之際。便於檢用。又採散在諸家之方。附於逐篇之末。以廣其法。以其傷寒文多節略。故斷自雜病以下。終於飲食禁忌。凡二十五篇。除重複。合二百六十二方。勒成上中下三卷。依舊名爲金匱方論云云。是王



洙所得者。蓋傷寒雜病論節略之本。故曰要略。今之要略。雖仍爲三卷。實則中下二卷刪併而成。又非蠹簡之舊矣。要略原書。上卷論傷寒。林氏病其節略。棄而弗取。然今存傷寒論玉函經。猶爲完帙。其中卷論雜病者。節略當亦如傷寒。林氏雖取千金外臺以爲附方。殆不能補完其舊。惜哉。王洙字原叔。應天宋城今河南商邱縣人。宋史本傳。稱其汎覽傳記。至圖緯方技。陰陽五行。算數音律。詁訓篆隸之學。無所不通。又歐陽永叔歸田錄。載景祐中。李照作新樂。照每謂人曰。吾樂之作。久而可使人心感之。皆舒和。而人物之生。亦當豐大。王侍讀洙。身尤短小。常戲之曰。君樂之成。能使我長大乎。聞者以爲笑。則王之爲人。短小滑稽而博學者。嘉其蒐羅遺佚之功。因附及之。今釋體例。一如傷寒。因不別作凡例。傷寒所據爲趙刻本。金匱則趙刻極難見。通行仲景全書。亦無佳刻。今據全書。及丹波氏父子所校。錄之於篇。他日幸得趙氏原刻。當重校之。屬稿始於戊辰八月。後於傷寒今釋僅半載。其時任醫校教課。二書常同時屬草。傷寒今釋因讀者督促。倉卒付印。多未愜意。此篇則屢經改易。或不致與傷寒



金釋並覆醬瓿乎。此篇改易續成之際。內子本琰已來歸。時助檢閱。因附其名。甲戌臘月。陸淵雷記。

今匱要略方論今釋自序



金匱要略方論今釋目錄

卷一

臟腑經絡先後病脈證第一

論十三首 脈證二條

瘧濕喝病脈證第二

論一首 脈證十二條 方十一首

括萎桂枝湯

葛根湯

大承氣湯

麻黃加朮湯

麻黃杏仁薏苡甘草湯

防己黃耆湯

又見水氣病中

桂枝附子湯

白朮附子湯

甘草附子湯

白虎加人參湯

一物瓜蒂湯

百合狐惑陰陽毒病證治第三

論一首 證三條 方十二首

百合知母湯

滑石代赭湯



百合雞子湯

百合地黃湯

百合洗方

括蕒牡蠣散

百合滑石散

甘草瀉心湯

苦參湯

雄黃熏

赤小豆當歸散

升麻鼈甲湯

卷二

瘡病脈證并治第四

證二條 方六首

鼈甲煎丸

白虎加桂枝湯

蜀漆散

附外臺祕要方

○牡蠣湯

○柴胡去半夏加括蕒湯

○柴胡桂薑湯

中風歷節病脈證并治第五

論一首 脈證三條 方十二首

